



МОНГОЛ УЛСЫН ИХ СУРГУУЛИЙН
ЗАХИРЛЫН ТУШААЛ

2017 оны 03 сарын 14 өдөр

Дугаар А/61

Улаанбаатар хот

Бакалаврын өдрийн хөтөлбөрт 2017 онд
оюутан элсүүлэх журам шинэчлэн батлах тухай

Дээд боловсролын тухай хуулийн 11.3, 12.1.4, БСШУ-ны сайдын 2013 оны А/79 дүгээр тушаалаар батлагдсан Оюутан элсүүлэх журмын 1.2, МУИС-ийн Дүрмийн 4.5.8.3 дахь заалт, МУИС-ийн Захиргааны зөвлөлийн 2016 оны 12 дугаар сарын 27, 2017 оны 03 дугаар сарын 14-ний өдрүүдийн хурлын тэмдэглэлийг тус тус үндэслэн ТУШААХ нь:

1."Монгол Улсын их сургуулийн бакалаврын өдрийн хөтөлбөрт 2017 онд оюутан элсүүлэх журам"-ыг хавсралтаар баталсугай.

2.Оюутан элсүүлэх ажлыг энэхүү журмын дагуу зохион байгуулах, үр дүнд нь хяналт тавьж ажиллахыг Сургалтын нэгдсэн алба (Ч.Ундрам), Мэдээллийн технологийн алба (А.Баатарбилэг), Бүрэлдэхүүн сургуулийн захирал, сургалтын албаны эрхлэгч нарт үүрэг болгосугай.

3.Энэ тушаал гарсантай холбогдуулан Захирлын 2016 оны 02 дугаар сарын 19-ний өдрийн А/38 дугаар тушаалын хавсралтаар батлагдсан "Монгол Улсын их сургуулийн бакалаврын өдрийн хөтөлбөрт 2016 онд оюутан элсүүлэх журам"-ыг хүчингүй болсонд тооцсугай.

ЗАХИРАЛ



Р.БАТ-ЭРДЭНЭ

My document Tushaal 2017 March

20170541

Захирлын 2017 оны 03 дугаар сарын 14-ны
өдрийн 14 дугаар тушаалын хавсралт

МОНГОЛ УЛСЫН ИХ СУРГУУЛИЙН БАКАЛАВРЫН ӨДРИЙН ХӨТӨЛБӨРТ
2017 ОНД ОЮУТАН ЭЛСҮҮЛЭХ ЖУРАМ

НЭГ. ЕРӨНХИЙ ЗҮЙЛ

1.1. Монгол Улсын Их Сургууль (МУИС)-ийн бакалаврын өдрийн хөтөлбөрт 2017 онд оюутан элсүүлэхэд Монгол Улсын “Дээд боловсролын тухай хууль”, Боловсрол Шинжлэх Ухааны сайдын 2013 оны 03 дугаар сарын 18-ны А/79 тоот тушаалаар батлагдсан “Оюутан элсүүлэх журам”, бусад холбогдох эрх зүйн акт болон энэхүү журмыг баримтална.

1.2. МУИС-ийн бакалаврын өдрийн хөтөлбөрт элсэхээр хүсэлт гаргасан иргэнийг “бүртгүүлэгч”, элсүүлэх оюутны тоог “хяналтын тоо”, элсэлтийн хяналтын тоонд багтан элсэх эрх авсан бүртгүүлэгчийг “элсэгч”, элсэлтийн цахим бүртгэлийн системийг “элсэлтийн систем”, элсэлтийн үйл ажиллагааг зохион байгуулахаар томилогдсон ажлын хэсгийг “элсэлтийн комисс” гэнэ.

1.3. МУИС-ийн бакалаврын өдрийн хөтөлбөрт Улаанбаатар хот болон орон нутгаас элсүүлэх элсэгчийн хяналтын тоог Удирдах зөвлөл тогтооно.

1.4. Элсэлтийн журам, бүрэлдэхүүн сургуульд элсүүлэхэд элсэлтийн ерөнхий шалгалт (ЭЕШ)-ын оноог тооцох болон холбогдох бусад мэдээллийг <http://burtgel.num.edu.mn>, <http://www.num.edu.mn> цахим хуудсанд байршуулна.

1.5. МУИС-д гадаадын харьяат иргэдийг элсүүлэх асуудлыг “МУИС-д гадаадын иргэнийг элсүүлэн суралцуулах журам”-аар зохицуулна.

1.6. Бакалаврын зэрэгтэй иргэн бакалаврын хөтөлбөрт элсэх бол МУИС-ийн холбогдох журмаар зохицуулна.

ХОЁР. ЭЛСЭЛТИЙН КОМИСС

2.1. МУИС-ийн элсэлтийн төв комиссын дарга нь сургалт эрхэлсэн дэд захирал, нарийн бичгийн дарга нь сургалтын нэгдсэн алба (СНА)-ны дарга, гишүүд нь бүрэлдэхүүн сургуулийн захирал, мэдээллийн технологийн албаны дарга, санхүү эдийн засгийн албаны дарга, оюутны албаны дарга, салбар комиссын дарга нь бүрэлдэхүүн/салбар сургуулийн захирал, нарийн бичгийн дарга нь сургалтын албаны эрхлэгч, гишүүд нь дэд захирлууд байна.

2.2. Төв болон салбар комисс нь элсэлтийн бүртгэл болон элсэлттэй холбоотой мэдээллийг олон нийтэд түгээх ажлыг зохион байгуулах, үүнтэй холбоотой зохицуулалт хийх, тухайн журмаар зохицуулагдахгүй асуудлыг комиссын хурлаараа хэлэлцэж, холбогдох дүрэм журамд нийцүүлэн шийдвэрлэх үүрэг хүлээнэ.

ГУРАВ. БҮРТГҮҮЛЭГЧДЭД ТАВИХ ШААРДЛАГА

3.1. МУИС-д элсэхийг хүссэн иргэд энэхүү журамтай танилцаж элсэлтийн цахим бүртгэлийн системд бүртгүүлнэ.

3.2. Бүртгүүлэгч нь БСШУСЯ-ны Боловсролын үнэлгээний төв (БҮТ)-өөс зохион байгуулдаг ЭЕШ өгсөн хот, орон нутагтаа (харьяалал харгалзахгүй) өрсөлдөх эрхтэй.

3.3. Бүртгүүлэгч нь МУИС-ийн Шинжлэх ухааны сургууль, Хэрэглээний шинжлэх ухаан, инженерчлэлийн сургууль, Бизнесийн сургууль, Хууль зүйн сургууль, Олон улсын харилцаа, нийтийн удирдлагын сургууль, Орхон сургууль, Завхан сургуулиас сонгож бүртгүүлнэ. Шинжлэх ухааны сургуулийн хувьд Байгалийн ухаан, Нийгмийн ухаан, Хүмүүнлэгийн ухааны салбараас сонгож бүртгүүлнэ. Бүртгүүлэгч нь өөрийн хүсэлтээр хэд хэдэн сургуульд зэрэг бүртгүүлж болно.

3.4. Бүртгүүлэгч нь Боловсролын үнэлгээний төв (БҮТ)-ийн хүчинтэй батламжтай, эсвэл 2017 онд ЭЕШ өгөхөөр БҮТ-д бүртгүүлсэн байна. МУИС-ийн оюутан бол дахин бүртгүүлэх боломжгүй.

3.5. Бүртгүүлэгч БҮТ-ийн систем дэх хувийн мэдээлэл, цахим шуудангийн хаяг, утасны дугаараа нягталж, алдаа мадаггүй болгосон байх шаардлагатай. Элсэлтийн системд бүртгүүлэгчийн оруулсан алдаатай мэдээллээс хамааран элсэлттэй холбоотой мэдээллийг авч чадаагүй бол МУИС хариуцахгүй.

3.6. Гадаад оронд ерөнхий боловсрол эзэмшсэн Монгол улсын иргэн БСШУЯ-ны 2013 оны 03 дугаар сарын 18-ны А/79 тоот тушаалаар баталсан “Оюутан элсүүлэх журам”-ын 2.1-д заасны дагуу ЭЕШ өгсөн байна.

ДӨРӨВ. ЭЛСЭХ ХҮСЭЛТ ГАРГАХ

4.1. МУИС-д элсэхийг хүссэн иргэд орон даяар, цахим хэлбэрээр <http://burtgel.num.edu.mn> хаягаар бүртгүүлнэ. Бүртгэлийг 2017 оны 05 дугаар сарын 01-ний 09:00 цагт нээж 07 дугаар сарын 03-ны 18:00 цагт хаана.

4.2. Бүртгүүлэгч элсэлтийн системд БҮТ-ийн системд бүртгүүлсэн бүртгэлийн дугаар, нууц үгээрээ нэвтэрч зааврын дагуу холбогдох талбаруудад мэдээллээ оруулж элсэх хүсэлтээ гаргана.

4.3. Бүртгүүлэгч хувийн мэдээллээ шалгаж баталгаажуулсны дараа сонирхсон бүрэлдэхүүн/салбар сургуулиа (Журмын хүснэгт 1-ээс үзнэ үү) сонгон элсэлтийн бүртгэлийн хураамжийг цахим хэлбэрээр төлж баталгаажуулна (цахим картаар төлбөр хийх тухай дэлгэрэнгүй зөвлөмжийг элсэлтийн бүртгэлийн системээс үзэх боломжтой).

4.4. Бүртгүүлэгч хэдэн ч бүрэлдэхүүн сургуульд бүртгүүлж болно. Бүртгэлийн хураамж 9000 төгрөг байна. Зөвхөн орон нутгийн салбар сургуульд /Завхан, Орхон/ бүртгүүлэх бол 1000 төгрөг байна. Бүртгэлийн хураамжийг буцаан олгохгүй.

ТАВ. ЭЛСЭГЧИЙГ ШАЛГАРУУЛАХ

5.1. Элсэлтийн бүртгэл хааснаас 1 өдрийн дараа элсэлтийн систем бүртгүүлэгчийн ЭЕШ-ын дүнг БҮТ-өөс татан авч, холбогдох тооцооллыг хийн онооны жагсаалтыг бүрэлдэхүүн/салбар сургуулиар гаргана.

5.2. Бүртгүүлэгчийн оноог дараах байдлаар тооцно. “Суурь” шалгалтанд тооцохоор заасан хичээлээс хамгийн өндөр оноо авсан шалгалтын оноог 0.6 (Бизнесийн сургууль, Завхан сургуульд бол 0.8)-аар, “Дагалдах” шалгалтад тооцохоор заасан хичээлээс мөн хамгийн өндөр оноо авсан шалгалтын оноог 0.4 (Бизнесийн сургууль, Завхан сургуульд бол 0.2)-өөр үржүүлж нэмээд нийлбэр оноо гарна. Ийнхүү тооцох “Суурь” болон “Дагалдах” шалгалтад оноо нь тус бүр БСШУСЯ-наас баталсан их, дээд сургуульд элсэгчдийн хангасан байх босго онооноос багагүй байна. Суурь шалгалтад тооцуулсан хичээлийн оноог дагалдах шалгалтад тооцуулахгүй*.

5.3. Оноо тэнцсэн тохиолдолд ЭЕШ-ын гүйцэтгэлийн хувийг тооцон байр эзлүүлж, элсэх эрх олгох ба гүйцэтгэлийн хувь тэнцвэл боловсролын гэрчилгээний дундаж оноог харгалзана.

5.4. БСШУСЯ-аас тогтоосон олон улсын болон улсын олимпиадын төгсгөлийн шатанд сүүлийн 2 жилийн дотор оролцож Хүснэгт 2-г заасан байр эзэлсэн, БСШУСЯ-аас тавих ЭЕШ-ын босго оноог хангасан Ерөнхий боловсролын сургууль (ЕБС) төгсөгчийг тухайн чиглэлээр олимпиад зохион байгуулах комиссоос олгосон батламж болон дипломд үндэслэн шууд элсүүлнэ (Хүснэгт 2-оос үзнэ үү). Энэ нөхцөлийг хангасан бүртгүүлэгч “олимпиад” гэсэн ангиллаар бүртгүүлж, журмын 4.4-д заасан бүртгэлийн хураамж төлнө.

ЗУРГАА. ЭЛСЭХ ЭРХ ОЛГОХ

6.1. Элсэх эрх олгох үйл ажиллагааг орон даяар цахим хэлбэрээр явуулна.

6.2. Бүртгүүлэгч хяналтын тоонд багтсан эсэхээ онооны жагсаалт гарсны дараа элсэлтийн системээр орж шалгана.

6.3. Журмын 5.4 дүгээр заалтаар бүртгүүлэгч нь олимпиадад оролцсоныг гэрчлэх бичиг баримтын эх хувь, тэдгээрийн хуулбарын хамт 2017 оны 06 дугаар сарын 19-30 хооронд ажлын цагаар Сургалтын нэгдсэн албанд авч ирнэ.

6.4. Элсэлтийн эрх олгох үйл ажиллагааг онооны жагсаалт гарсан өдрөөс эхлэн ажлын 10 хоногт зохион байгуулна.

6.5. Хэд хэдэн бүрэлдэхүүн/салбар сургуулийн хяналтын тоонд багтсан элсэгч нь зөвхөн нэг бүрэлдэхүүн/салбар сургуулийг сонгох ба энэ нөхцөлд бусад бүрэлдэхүүн/салбар сургуулийн хяналтын тооны жагсаалтаас нэр нь хасагдаж босго шугам нэгээр доошилно. Босго шугам доошилсны дүнд хяналтын тоонд багтсан бүртгүүлэгчид элсэх эрх үүсч байгааг элсэлтийн системээр мэдэгдэнэ.

6.6. Бүртгүүлэгч хяналтын тоонд багтаж элсэх эрхтэй болсоноос хойш 24 цагийн дотор элсэх эрхээ баталгаажуулна. Энэ хугацаанд баталгаажуулаагүй тохиолдолд МУИС-д элсэхээс татгалзсан гэж үзэн жагсаалтын дараах бүртгүүлэгчид элсэх эрх шилжинэ.

6.7. Хяналтын тоонд багтсан бүртгүүлэгч элсэлтийн системд нэвтэрч элссэн сургуулийн 1 багц цагийн төлбөрийг цахимаар төлж элсэх эрхээ баталгаажуулна. Энэ төлбөрийг суралцагчийн сургалтын төлбөрт тооцно. Элсэх эрхээ цуцлах тохиолдолд төлбөрийг буцаан олгохгүй.**

6.8. Элсэх эрхээ баталгаажуулсны дараа элсэгч бүртгэлийн цахим маягт бөглөнө (<http://burtgel.num.edu.mn>).

* Завхан сургуулийн хувьд суурь шалгалтад заасан хичээлийг 100%-аар тооцон элсүүлж болно.

**Хуваарь буцаанаар тухайн хуваарийг авах боломжтой, жагсаалтын дараагийн бүртгүүлэгч хуваарь авч чадахгүйд хүрч, эрх ашиг нь хондогддог тул хариуцагатай сонголт хийх ёстой гэдэг үүднээс урьтчилж тодруулдог.

ДОЛОО. ЭЛСЭГЧИЙГ БҮРТГЭХ

7.1. Элсэгчид нь дараах бичиг баримтыг бүрдүүлэн 2017 оны 08-дугаар сарын 08-наас 08 дугаар сарын 25-ны хооронд ажлын цагаар бүрэлдэхүүн/салбар сургуулийн сургалтын албанд өөрийн биеэр ирж бүртгүүлнэ. Үүнд:

- Иргэний үнэмлэх эсвэл түүнтэй адилтгах баримт бичиг (төрсний гэрчилгээ, гадаад паспорт), хуулбарын (ар, өвөр тал нэг нүүрт) хамт;
- Танилцаж баталгаажуулсан МУИС-д суралцах гэрээ (Элсэлтийн системээс татаж авах);
- Бүрэн дунд боловсролын гэрчилгээ (хэрэв түүнээс дээш шатны боловсрол эзэмшсэн бол гэрчлэх баримт бичиг, хуулбарын хамт);
- ЭЕШ-ын батламж, хуулбарын хамт;
- Цээж зураг 2 хувь, оюутны үнэмлэхийн шаардлагад нийцсэн цээж зураг файл хэлбэрээр (сүүлийн 3 сард авахуулсан) бүрдүүлэн эдгээр бичиг баримтыг битүүмжлэл сайтай хавтсанд хийсэн байна.

НАЙМ. БУСАД

8.1. Нэг бүрэлдэхүүн/салбар сургуулиас нөгөө бүрэлдэхүүн/салбар сургуульд шилжүүлэн элсүүлэхгүй ба хуваарийг бусдад шилжүүлэхийг зөвшөөрөхгүй.

8.2. Элсэх эрхээ баталгаажуулсан боловч, бүрдүүлэх бичиг баримтаа 7.1-д заасан хугацаанд авчирч бүртгүүлээгүй бол МУИС-д суралцахаас татгалзсан гэж үзэн суралцах эрхийг хүчингүйд тооцно.

8.3. Элсэлттэй холбоотой бичиг баримтыг хуурамчаар үйлдсэн нь тогтоогдвол МУИС-д элсүүлэхгүй.

8.4. Цахим бүртгэл хийж байх үед МУИС-ийн бүрэлдэхүүн/салбар сургуулиуд зөвлөгөө өгөх үйл ажиллагааг олон нийтийн мэдээллийн хэрэгсэл, цахим шуудан, вэб хуудас зэргийг ашиглан явуулна.

8.5. Дараах элсэгчдийн эхний хичээлийн жилийн сургалтын төлбөрийг 50 хувь хөнгөлнө. Үүнд:

8.5.1. Улсын олимпиадад эхний байр эзэлсэн бол;

8.5.2. Суурь шалгалтанд тооцуулсан байгалийн ухааны ЭЕШ нь 750-аас дээш оноотой ШУС-БУС, ХШУИС-ийн эхний 50 элсэгч /сургууль тус бүрт 25/ мөн Математик, Физик, Хими, Биологи, Техник технологи, Мэдээлэл зүйн улсын олимпиадад 1-ээс 3-р байранд шалгарч дээрх сургуулиудад элссэн бол;

8.5.3. Суурь шалгалтанд тооцуулсан байгалийн ухааны ЭЕШ-ндаа 650 болон түүнээс дээш оноотой Байгаль Эх лицей ахлах сургуулийн төгсөгч ШУС-ийн БУС, ХШУИС-д элссэн бол;

8.6. ШУС, ХШУИС-д элссэн оюутан тухайн сургуулиудын бүх хөтөлбөрөөс сонгон суралцах эрхтэй ба харин хөтөлбөр харьяалагдаж буй сургуулийнхаа ЭЕШ-ийн суурь болон дагалдах шалгалтуудыг 400 буюу түүнээс дээш оноотой өгсөн байх шаардлагатай.

8.7. 6.4-д заасан хугацаа дуусаагүй байхад тухайн бүлэг (бүрэлдэхүүн/салбар сургууль) дэх бүх бүртгүүлэгчээр элсэх эрх олгох үйл ажиллагаа явагдаж дууссаны дараа хяналтын тоо үлдвэл тухайн хяналтын тоог Улаанбаатарт дахь харгалзах бүрэлдэхүүн сургуульд шилжүүлнэ.

*** **

Бүрэлдэхүүн/салбар сургуулийн оноогоор жагсаах жагсаалт, онооны харьцаа*

БҮРЭЛДЭХҮҮН/САЛБАР СУРГУУЛЬ (60%, 40%-р тооцон жагсаах)	ЭЛСЭЛТИЙН ЕРӨНХИЙ ШАЛГАЛТ	
	“Суурь” шалгалт (60%)	“Дагалдах” шалгалт (40%)
ШИНЖЛЭХ УХААНЫ СУРГУУЛЬ, БАЙГАЛИЙН УХААНЫ САЛБАР	<ul style="list-style-type: none"> • Биологи • Газарзүй • Математик • Физик • Хими 	<ul style="list-style-type: none"> • Англи хэл • Биологи • Газарзүй • Математик • Монгол хэл • Монголын түүх • Нийгмийн тухай мэдлэг • Физик • Хими
	<ul style="list-style-type: none"> • Математик • Монголын түүх • Нийгмийн тухай мэдлэг 	<ul style="list-style-type: none"> • Англи хэл • Биологи • Газарзүй • Математик • Монгол хэл • Монголын түүх • Орос хэл • Физик • Хими
	<ul style="list-style-type: none"> • Англи хэл • Монгол хэл • Монголын түүх • Нийгмийн тухай мэдлэг • Орос хэл 	<ul style="list-style-type: none"> • Англи хэл • Биологи • Газарзүй • Математик • Монгол хэл • Монголын түүх • Нийгмийн тухай мэдлэг • Орос хэл • Физик • Хими
	<ul style="list-style-type: none"> • Биологи • Математик • Физик • Хими 	<ul style="list-style-type: none"> • Биологи • Газарзүй • Математик • Монгол хэл • Физик • Хими
ШИНЖЛЭХ УХААНЫ СУРГУУЛЬ, НИЙГМИЙН УХААНЫ САЛБАР	<ul style="list-style-type: none"> • Математик • Монголын түүх • Нийгмийн тухай мэдлэг 	<ul style="list-style-type: none"> • Англи хэл • Биологи • Газарзүй • Математик • Монгол хэл • Монголын түүх • Орос хэл • Физик • Хими
ШИНЖЛЭХ УХААНЫ СУРГУУЛЬ, ХҮМҮҮНЛЭГИЙН УХААНЫ САЛБАР	<ul style="list-style-type: none"> • Англи хэл • Монгол хэл • Монголын түүх • Нийгмийн тухай мэдлэг • Орос хэл 	<ul style="list-style-type: none"> • Англи хэл • Биологи • Газарзүй • Математик • Монгол хэл • Монголын түүх • Нийгмийн тухай мэдлэг • Орос хэл • Физик • Хими
ХЭРЭГЛЭЭНИЙ ШИНЖЛЭХ УХААН, ИНЖЕНЕРЧЛЭЛИЙН СУРГУУЛЬ	<ul style="list-style-type: none"> • Биологи • Математик • Физик • Хими 	<ul style="list-style-type: none"> • Биологи • Газарзүй • Математик • Монгол хэл • Физик • Хими
ХУУЛЬ ЗҮЙН СУРГУУЛЬ	<ul style="list-style-type: none"> • Нийгмийн тухай мэдлэг 	<ul style="list-style-type: none"> • Математик
ОЛОН УЛСЫН ХАРИЛЦАА, НИЙТИЙН УДИРДЛАГЫН СУРГУУЛЬ	<ul style="list-style-type: none"> • Англи хэл • Орос хэл • Монголын түүх 	<ul style="list-style-type: none"> • Математик • Монгол хэл • Нийгмийн тухай мэдлэг
БҮРЭЛДЭХҮҮН/САЛБАР СУРГУУЛЬ (80%, 20%-р тооцон жагсаах)	“Суурь” шалгалт (80%)	“Дагалдах” шалгалт (20%)
БИЗНЕСИЙН СУРГУУЛЬ	<ul style="list-style-type: none"> • Математик 	<ul style="list-style-type: none"> • Англи хэл • Нийгмийн тухай мэдлэг • Орос хэл

<p style="text-align: center;"><i>ЗАВХАН СУРГУУЛЬ</i></p>	<ul style="list-style-type: none"> • Англи хэл • Биологи • Математик • Нийгмийн тухай мэдлэг • Орос хэл • Физик • Хими 	<ul style="list-style-type: none"> • Англи хэл • Биологи • Газарзүй • Математик • Монгол хэл • Монголын түүх • Нийгмийн тухай мэдлэг • Орос хэл • Физик • Хими
<p style="text-align: center;"><i>ОРХОН СУРГУУЛЬ</i></p>	<ul style="list-style-type: none"> • Англи хэл¹⁰⁰ • Математик¹⁰⁰ • Монгол хэл¹⁰⁰ • Орос хэл¹⁰⁰ 	

*5.4-д заасан ангилалаар элсэгчид хамаарахгүй.

БАКАЛАВРЫН ҮНДСЭН МЭРГЭЖЛИЙН ХӨТӨЛБӨР

Шинжлэх Ухааны Сургууль-Байгалийн Ухааны Салбар: Багш, байгалийн ухааны боловсрол, Багш, математикийн боловсрол, Байгаль орчныг зайнаас тандан судлал, Биологи, Биологийн нөөц судлал, Биохими, Биотехнологи, Газарзүй, Газар зохион байгуулалт, Геологи, Геофизик, Математик, Физик, Хими, Хот ба бүс нутгийн төлөвлөлт, Экологи

Шинжлэх Ухааны Сургууль-Нийгмийн Ухааны Салбар: Антропологи, Археологи, Нийгмийн ажил, Социологи, Сэтгүүлзүй, Сэтгэл судлал, Улс төр судлал, Эдийн засаг

Шинжлэх Ухааны Сургууль-Хүмүүнлэгийн Ухааны Салбар: Багш, гадаад хэлний боловсрол, Багш, монгол хэл-уран зохиолын боловсрол, Багш, нийгмийн ухааны боловсрол, Гадаад хэлний орчуулга, Олон улс, орон судлал, Түүх, Урлаг судлал, Утга зохиол судлал, Философи, Хэл, уран зохиол /Монгол хэл, уран зохиол, Гадаад хэл, уран зохиол/, Хэл шинжлэл /Монгол хэл шинжлэл, Гадаад хэл шинжлэл/, Шашин судлал

Хэрэглээний шинжлэх ухаан, инженерчлэлийн сургууль: Байгаль орчныг хамгаалах технологи, Био-инженерчлэл, Компьютерийн сүлжээ, Компьютерийн ухаан, Материал судлал, Мэдээллийн систем, Мэдээллийн технологи, Нано шинжлэх ухаан, инженерчлэл, Ойн үйлдвэрлэлийн техник, технологи, Программ хангамж, Статистик, Сэргээгдэх эрчим хүч, Ус судлал, Химийн инженерчлэл, Холбооны технологи, Хүрээлэн буй орчин судлал, Хэрэглээний математик, Хэрэглээний хими, Цаг уур, Цөмийн инженерчлэл, Электрон системийн автоматжуулалт

Бизнесийн сургууль: Аялал жуулчлалын менежмент, Бизнесийн удирдлага, Даатгал, Зочлох үйлчилгээ, Маркетинг, Менежмент, Нягтлан бодох бүртгэл, Санхүү, банк, Худалдаа

Олон улсын харилцаа, нийтийн удирдлагын сургууль: Олон улсын харилцаа, Нийтийн удирдлага

Хууль зүйн сургууль: Эрх зүй

Завхан сургууль: Нягтлан бодох бүртгэл, Маркетинг, Менежмент, Худалдаа, Бичиг хэрэг, оффисийн ажилтан, Электрон системийн автоматжуулалт, Багш, гадаад хэлний боловсрол, Санхүү, банк

Орхон сургууль: Багш, гадаад хэлний боловсрол, Гадаад хэлний орчуулга, Багш, монгол хэл-уран зохиолын боловсрол, Даатгал, Маркетинг, Менежмент, Нягтлан бодох бүртгэл, Санхүү, банк.

№	Бүрэлдэхүүн сургууль/салбар	Олимпиадын чиглэл	Эзэлсэн байр
1	Шинжлэх ухааны сургууль-Байгалийн ухааны салбар	<ul style="list-style-type: none"> • Биологи • Газарзүй • Математик • Физик • Хими 	1-ээс 6-р байр
2	Шинжлэх ухааны сургууль-Нийгмийн ухааны салбар	<ul style="list-style-type: none"> • Математик • Нийгмийн Ухаан • Түүх 	1-ээс 3-р байр
3	Шинжлэх ухааны сургууль-Хүмүүнлэгийн ухааны салбар	<ul style="list-style-type: none"> • Англи хэл • Монгол хэл • Орос хэл • Түүх • Хятад хэл 	1-ээс 3-р байр
4	Хэрэглээний шинжлэх ухаан, инженерчлэлийн сургууль	<ul style="list-style-type: none"> • Биологи • Газарзүй • Математик • Физик • Хими 	1-ээс 6-р байр
5	Бизнесийн сургууль	<ul style="list-style-type: none"> • Математик 	1-ээс 6-р байр
6	Олон улсын харилцаа, нийтийн удирдлагын сургууль	<ul style="list-style-type: none"> • Англи хэл • Орос хэл 	1-ээс 3-р байр
7	Хууль зүйн сургууль	<ul style="list-style-type: none"> • Нийгмийн ухаан 	1-ээс 3-р байр
8	Завхан сургууль	<ul style="list-style-type: none"> • Англи хэл • Математик • Нийгмийн ухаан • Орос хэл • Физик 	1-ээс 6-р байр

Тайлбар:

1. МУИС-д элсэхийг хүссэн иргэн хүснэгтэд заасан бүрэлдэхүүн/салбар сургуульд бүртгүүлэх бөгөөд ЭЕШ-ын шалгалтын оноогоороо элсэлтийн хяналтын тоонд багтсан тохиолдолд МУИС-ийн оюутан болж элсэх эрхтэй болно. Элсэгч нь тухайн бүрэлдэхүүн/салбар сургуулийн бакалаврын бүх хөтөлбөрөөс мэргэжлийн хөтөлбөр сонгуулах журамд зааснаар сонгон суралцах бололцоотой бөгөөд сурлагын дүн, анх элсэхээр бүртгүүлэхдээ тооцуулсан ЭЕШ-ын оноо өндөр байх тусам мэргэжил сонгохдоо давуу эрх эдэлнэ. Түүнчлэн зарим хөтөлбөрийн хувьд бэлтгэж буй мэргэжил, шинжлэх ухааны онцлогоос үүдэн оюутанд тусгай шаардлага тавина.

2. МУИС-д элсэн оюутан нь өөрийн сонгосон үндсэн мэргэжлээс гадна МУИС-ийн санал болгох “Хавсарга” мэргэжлээс сонгон судалж, “Үндсэн мэргэжил”, “Хавсарга мэргэжил” эзэмших боломжтой болно. Жишээлбэл, ШУС-д Физик мэргэжлээр суралцаж байгаа оюутан Бизнесийн сургуулийн Менежмент хөтөлбөрөөр хавсарга мэргэжил эзэмших боломжтой.

3. ШУС болон ХШУИС-д элсэн орсон элсэгчид гүнзгийрүүлсэн сургалтат хөтөлбөрт (honours program) хамрагдах боломжтой ба тусгай журмаар зохицуулна. Энэхүү хөтөлбөр нь зөвхөн суурь боловсрол олгох бөгөөд бусад оюутны адил мэргэжлээ сонгон суралцана.

*** **